

ଯୋହନ ଲେଖିଥିବା ତୃତୀୟ ପତ୍ର ଜୋହନ ରାସ୍ତାମାନି ମୁଣ୍ଡି ଆକୁ ଇୟା ଆକୁଦୁ ମାନି ଏସ ମାଟା

୩ ଜୋହନଦି ଆକୁ ଜୋହନତି ମାଣାନ ୫୦ ନି ୧୦୦ ବାର୍ଷେକ୍ ଖେନେକା ଲୋଇ ରାସାତା ମାରାତ୍ । ଜୋହନ ନିଜେଦିଙ୍କ୍ ରାସ୍ତାନିକାନ୍ ଇସାପ୍ତାନ ପରିଚୟ୍ ସିଜି ନିଜେଦିଙ୍କ୍ ପାଲକ ଇସାପ୍ତାନ ପରିଚୟ୍ ସିଏତାନ୍ ୨ ଜୋହନ ୧:୧ । ଖାନ୍ ୨ ଆକୁ ଏଣ୍ଡେସ୍ ରାସାତା ମାରାନ୍ ୧:୧ । ଇକା ବିସ୍ବାସ୍ କିନାର୍ ଯେ ଖାନ୍ ଏପିସିଦୁ ମାରି ବେଡାଦୁ ଜହନ ରାସ୍ତା ସୁସମାଚାରତି ଖାଲେ ମୁଣ୍ଡି ଆକୁ ଖିଜୁ ରାସ୍ତା ମାରାନ୍ । ମାରି ୧ ମ, ୨ ଯ, ୩ ଯ, ଜୋହନ ।

ଜୋହନ ଗାୟ ଦରତି ବିସ୍ବାସିଙ୍କ୍ ଇୟା ଆକୁ ରାସ୍ତା ମାରାନ୍ । ଖାନ୍ ଗାୟକତିଙ୍କ୍ ଅରେନ୍ ସାତି ଖାଜା ସନ୍ମାନ କିଜି ଆୟା ଗାଡୁଦୁ ବୁଲାଜି ମାର୍ଆର କ୍ରିଷ୍ଟିଆନ୍ ତୋଡାନ୍କୁ ନି ତାଙ୍କ୍ କା ଉଣ୍ଡିଙ୍କ୍ ସନ୍ମାନ କିନିଖାଲେ ଆଦେସ୍ ସିନାନ୍ ।

ଇୟା ଆକୁଦୁ ମାନି ମୁକିୟ ବିସୟ

୧. ଜୋହନ ଖାନି ଆକୁଦି ପରିଚୟ୍ ସିଜିନାନ୍ । ୧:୧
୨. ଖାନ୍ ଗାୟଙ୍କ୍ ସାହାସ୍ ସିଜି ଗାଡୁକାଙ୍କ୍ ବୁଲାଜିନି ମାରି ତୋଡାନ୍କା ଉଣ୍ଡିଙ୍କ୍ ସନ୍ମାନ ଆଦେଙ୍କ୍ ଖେରତା ମାନାନ୍ । ୧:୨-୮
୩. ଖାନ୍ ରିଏରି ଲୋକାଙ୍କ୍ ତାୟୋଟ୍ରେଫିସ୍ ମାରି ତିମିଟ୍ରିଅସ୍ ବିସୟତାନ୍ ଇଜିନାନ୍ । ୧:୯-୧୨
୪. ସାରାସାରି ଖାନି ରାସ୍ତାନିକା ଖିସ୍ତାନ୍ । ୧:୧୩-୧୪

୧ ✨ପ୍ରାତିନ୍ ଜୋହନ ଯେ ନାନୁ,
ନା ଲାଡୁତି ତଡ୍ ଗାୟଦି ଲାକ୍ତୁ ଇୟା ଆକୁ ରାସ୍ତାସିନା; ଖାନିଙ୍କ୍ ନାନୁ ସଡ୍ତାନ୍ ଜିବନ୍ନୋନା ।

✨ ୧:୧ ପ୍ରେରିତ ୧୯:୨୯; ରୋମିୟ ୧୭:୨୩; ୧ କରିନ୍ଥ୍ ୧:୧୪.

୨ ନା ଲାଡ଼ତି ତଡ଼, ମି ଆମ୍ବା ମାରି ଝିଜୁନେଗି ପାଣି କିଜିନାନ୍ ମାପୁରୁକୁଁ ପାର୍ତ୍ତାନା କିଜିନା, ନାନ୍ ନେସନା, ଇଲେଇତି ଜିବନ୍ତୁ ମିରୁ ନେଗେନ୍ ମାନିଦେର୍ ।

୩ ଇରିଙ୍ଗ୍ ତଡ଼ାନ୍କୁ ଖାଜି ଏସ୍ତିଖାଲେ ସଡ଼ତି ଉଣ୍ଡିଙ୍ଗ୍ ବିସ୍ବାସ୍ବି ତେବାତା ମାନାର୍ ମାରି ଜିବନ୍ତୁ ଝିଜୁଦିନ୍ ସଡ଼ତାନ୍ ବୁଲାସାଲା ଆନି ବିସ୍ବତାନ୍ ସାକ୍ଷ୍ୟ ଝେର୍ସିନାର୍, ନାସ୍ତିଖାଲେ ନାନ୍ ଇୟା ମାଟା ଝେନ୍ଜି ଝେଡ଼ିକା ଆତା ।

୪ ନା କଡ଼ର୍ ଜେ ସଡ଼ତିଙ୍ଗ୍ ଆସ୍ବି ବୁଲାସାଲା କିଜିନାର୍, ଇକା ଝେନିଙ୍ଗ୍ ନାନ୍ ଝେଡ଼ିକା ଆନା ।

ଗାୟସ୍ବି ସଡ଼ପାଣିଦି ପ୍ରସଂସା

୫ ଲାଡ଼ତି ତଡ଼, ଆଇଦେସ୍ବି କ୍ରିସ୍ତ ସିକ୍ଯା ସିନିକାର୍, ଇୟାଖାଜା ନୋ ଝାର୍ ସିନାପରିଚୟ ଆଏତିମାରିଙ୍ଗ୍ ବା, ଝାରି ଉଣ୍ଡିଙ୍ଗ୍ ନିନ୍ତୁ ବିସ୍ବାସ୍ବତାନ୍ କିଜିନି ।

୬ ଝାର୍ ମଣ୍ଡୁଲିଦୁ ମି ଜିବନ୍ନୋନି ବିସ୍ବତାନ୍ ସାକ୍ଷ୍ୟ ଝେର୍ତାମାନାର୍; ମିର୍ ଝାରି ସନି ଉଣ୍ଡିଙ୍ଗ୍ ସାହାଜ୍ୟ କିଦୁ । ଇୟାଉଣ୍ଡିଙ୍ଗ୍ ମାପୁରୁ ଝେଡ଼ିକା ଆନାନ୍ ।

୭ ଇରିଙ୍ଗ୍ ଝାର୍ ଅବିସ୍ବାସ୍ବରି ମାଣ୍ଡୁକୁ ଇନି ସାହାଜ୍ୟ ଅଏଣ୍ଗା କ୍ରିସ୍ତଦି ସେବା ଉଣ୍ଡିଙ୍ଗ୍ ସତା ମାନାର୍ ।

୮ ମାରି, ମାଡୁ କ୍ରିସ୍ତବିସ୍ବାସ୍ବିର୍ ଝାରିଙ୍ଗ୍ ସାହାଜ୍ୟ କିଜି ସଡ଼ତି ଉଣ୍ଡିଙ୍ଗ୍ ଝାରି ପାଣିଦୁ ମିସାନିକା ନେଗେଡ଼ ।

ଡାୟୋଟ୍ରେଫିସ୍ ମାରି ଡିମିଟ୍ରିଅସ୍

୯ ନାନ୍ ମି ମଣ୍ଡୁଲିଦୁ ଉନ୍ତ୍ର ଇସ୍ତି ଆକୁ ରାସ୍ବତା ମାର୍ହା, ମାତର୍ ଡାୟୋଟ୍ରେଫିସ୍ ମଣ୍ଡୁଲିଦି ପେରିକାନ୍ ଆଦେଙ୍ଗ୍ ବଦା କିଜି ମା ମାଟାଦିଙ୍ଗ୍ ଡିସ୍ନାନ୍ ।

୧୦ ନାନ୍ ଆବେନ୍ତୁ ଝାଡ଼ିଙ୍ଗ୍, ଝାନ୍ ଆମାକା କିଜିନାନ୍, ଝିଜୁ ଝିକ୍ନାସିନା ମା ବିରୁଦ୍ତାନ୍ ତାଗ୍ଇ ମାଟା ଇନ୍ଜି ମାଙ୍ଗ୍ ନିନ୍ଦା କିଜିନାନ୍, ମାରି ଝାନ୍ କ୍ରିସ୍ତବିସ୍ବାସ୍ବି ତଡ଼ାନ୍କାଙ୍ଗ୍ ସନ୍ମାନ କିଏନ୍, ମାରି ଆଇକାର୍ ଆକା କିଦେଙ୍ଗ୍ ବଦା କିଡ଼ିଙ୍ଗ୍ ଝାରିଙ୍ଗ୍ ମନା କିନାନ୍, ମାରି ମଣ୍ଡୁଲିଦାନ୍ ଝାରିଙ୍ଗ୍ ସପ୍ନାନ୍ ।

୧୧ ନା ଲାଡ଼ି ତଡ଼କୁ, ମିରୁ ତାଗ୍‌ଇପାଣିଦୁ ସଲଏଣଗା ସଡ଼ପାଣିଦି
ତରିନ୍ ସାନ୍‌ଡୁ । ଏନ୍ ସଡ଼ପାଣି କିନାନ୍, ଖାନ୍ ମାପୁରୁଦି ଲୋକୁ; ଏନ୍
ତାଗ୍‌ଇପାଣି କିନାନ୍, ଖାନ୍ ମାପୁରୁକୁ ନେସଏନ୍ ।

୧୨ ଡିମିଟ୍‌ଅସ୍‌ଦିଙ୍କୁ ଓଜେରେ ପ୍ରସଂସା କିଜିନାର୍; ସଡ଼ ନିଜେ ବା
ସାକ୍ୟ ସିତାମାନାନ୍; ମାପ୍ ବା ଖାନିଙ୍କୁ ସାକ୍ୟ ସିଜିନାପ୍, ମା ସାକ୍ୟ
ଜେ ସଡ଼, ଇକା ନିନ୍ନୁ ନେସଡିମାନି ।

ସାରାସାରି ମାଟା

୧୩ ମି ଲାକ୍‌ଡୁ ନା ଗାଦି ବିସୟ ଖେରନିକା ମାନାଡ଼, ମାତର୍
ଆୟାଞ୍ଜିକୁ ନାନ୍ ଇଲେଇ ସିରା ନି ପେନ୍‌ତାନ୍ ରାସ୍‌ଡେଙ୍କୁ ବଦା
କିଏଜିନା ।

୧୪ ମି ଖାଲେ ବେଟ୍ ଆନା ଇଜିନା ଆସା ନାସ୍ତିଖାଲେ ମାଡୁ
ସାମନାସାମନି ଆଜି ଖାରଗିଜିସାନାର୍ ।

୧୫ ମି ଡଣ୍ଡିଙ୍କୁ ସାନ୍ତି ଆପିଡ଼,

ସାଙ୍ଗର୍ ଓଜେରେ ମିଙ୍ଗ୍ ନମସ୍ତାର୍ ଜାଣେ କିଜିନାର୍ । ମା ଓଜୁ
ସାଙ୍ଗରିଙ୍କୁ ନମସ୍ତାର୍ ଜାଣେ କିଡୁ ।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a